

عينيك بحر

عينيك بحر
ديوان شعر
محمود يونس
الطبعة الأولى .. ٢٠١٧



دار الحلم للنشر والتوزيع
٤ شارع الأشراف - مؤسسة الزكاة - المرج - القاهرة
موبايل : ٠٠٢٠١١٤١٨٢٤٥٦٢
E-mail: dar_elVelm@hotmail.com

المدير العام : د: إسلام فتحي
تصميم الغلاف : محمد عبد السلام
اخراج داخلي : الحلم للدعاية والاعلان

رقم الإيداع : ٢٠١٧/٢٩٠١
رقم الترخيم الدولي : 978-977-798-058-6

إن دار الحلم للنشر والتوزيع غير مسئولة عن آراء المؤلف وأفكاره ، وتعبر الآراء الواردة في هذا الكتاب عن آراء المؤلف ، ولا تعبر بالضرورة عن آراء الدار .

عينيك بحر

شعر

محمود يونس

oboeikan.com

غمض وفكر

عشان الماضى يتكرر
إرجع ورا وغمض وفكر
وإسرح كتير
قوى فى اللى فات
وإفتح كتاب الذكريات
مع كل صفحة
فلاش وصور
هتلاقى جوا الصورة ناس
ملهاش وجود
وناس معاها تتمنى
الزمان يعود
وناس تتمنى تلقاها
بعيد جدا عن الصورة
وناس الدنيا وياها
كما الجنة
وناس فى الصورة محشورة
بدون معنى
فيه ناس تشوفها فى الصورة
بوش غريب

وناس ملامحها مرسومة

ملامح ديب

وناس تشوفها تستغرب

ملامحها كما التعلب

وناس ملامحها مبتورة

وناس تيجى توصفها

تلاقى الصورة مكسورة

صباح الخير

صباح الخير
يا أحلى عيون
يا ضحكة بتملى
كل الكون
معاكى الدنيا بتنور
وأشوف الفرحة مليون لون
صباح الخير
يا أحلى جمال وبال خالى
أنا العاشق
وأنا الباقي على حالى
وأنا الصابر على شوقه
وحلم جميل على بالى
صباح مرسوم بلون الفل
وصورة حلوة فى خيالى
صباح الخير
يا أجمل زهرة فى عنيه
ياما إتمنيت
فى أحلامى تكون ليه
وأدينى قضيت

طول العمر مستنى
كأن الدنيا فى إديه
وفى الآخر أنا الى بقيت
بدور محتار حوالىكى
وكل الدنيا حواليه
صباح الخير
بلون الشمس ودفاها
ونسمة فجر تتنفس
وتهمس باللى جواها
وكلمة شوق بتتمنى
تطير توصل لحد بعيد
وتستنى
تجيب الرد وياها
صباح الخير بلون الورد
وكلمة حب
حد إشتاق وقالها لحد
وكان الرد
نظرة عين بتتبسم
ودنيا جديده تتقسم
ما بين إثنين
وزهرة جميلة فوق الخد

قررت

أنا عشت كل حياتي
بشعور نقى وبرئ
كل أما أخاف من شئ
أهرب لعكس الشئ
أعيش شعور مختلف
وأمشى في عكس الطريق
وآجى أغمض عيوني
ألاقي نفس الشئ
قررت أواجه خوفاً
جبان بقلب جرئ
وغريبة شفت عدوى
خيال في صورة شئ
أنا ساكت
أنا ساكت
لكن جوايا مليون صوت
أنا بصرخ بصوت الصمت
يسبح صوتي في الملكوت
فما تفسر ش صمت لساني
لو تسمح بانه سكوت
انا حاسس

بشئى فى الكون بيسمعنى
وبيواسينى لما احزن
ولما الوحده توجعنى
وقلبى يحن
انى اكون فى وسط الناس
ياخذنى بعيد لبره الكون
الاقى فى الفراغ زحمة
ووسط الزحمة القى سكون
انا راضى
كده بحالى مع نفسى
اعيش ايامى واتفرج
على فرحى وعلى ياسى
ورغم انى مش محدود
وعايش فى الفراغ منسى
سافرت الكون كذا مرة
وشفت الدنيا من برة
ومره شفتها حلوة
باقى المرات كانت مرة

حببتك

حببتك أيوه مش بنكر
سبتيني قلت متشكر
لكن فضلتى جوايا
كأن ضميرى بيعذبنى
أقول إزاي كده أسيبها
وأسكت وشايفها بتسبنى
كأن البعد ده ايه
علامة تقول بان الدنيا مش باقيه
وإن الناس فيها بتدور
كده فى ساقية
وناس تبيجى وناس بتغيب
وناس تعشق وناس بتسيب
وناس تتجاهل الأحداث
عشان تقدر تعيش مع ناس
وناس بتضيع الحاجة
وفى الآخر تقول ده نصيب
خسرت فى بعدك الإحساس
بطعم الحب

وإن الدنيا في عينه
في لحظة قرب
لكنى في بعدك اتعلمت
بأن الدنيا ماتخلقتش
عشان تبقى
وإن الناس فيها بتشقى
عشان بس عايزه تعيش
كثير بيعاندوا في الدنيا
وتوعدهم بلقمة عيش
وأحلامهم كذا تسافر مع الأيام
ولكن للأسف ما تجيش

رسمتك

أيوه رسمتك بدمى
وعشت جوا رسمى
كنت عايش عشانك
أبكى أنا وتبتسمى
لكن آدى النهاية
مش فاكرة حتى اسمى
أو يمكن فاكرة لكن
مش عايزة تفكرى
أنا صورتى جوا قلبك
إنسى لو تقدرى
لو بعته حبه ليكى
إنت اللى هتخسرى
ينفع إنسان يشيل
قلبه ويقدر يعيش
لو كل الدنيا باعت
قلت إنت ما تبعيش
ازاى قلبك يطاوعك
تغيبى ما ترجعيش
عايشة باحساس غريب

ده مش إحساسك انت
يللى كنت فى حياتى
أمى وأختى وبنتى
أيوه قلبى انكسر
من يوم إنت ما غبتى
بتحاولى تنسى حاجة
بتعاندى بيها يأسك
بعديها بقيتى حاجة
مش لاقية حتى نفسك
مهما تحاولى تخبى
بسمع صمتك وهمسك
رغم إحساسى بيكى
هبعده عنك وأغيب
وزى ما إنت سبتى
انا برده خلاص هسيب
ولو إتقابلنا صدفة
غريب قابل غريب

نظرة عين

أحلى نظرة عين تشوفها
وأصفى ضحكة ف الوجود
تبتسم تلقى الجناب
نورت فوق الخدود
نفسى أقول كمة بحبك
نفسى أعبر عن شعورى
يا ترى ممكن أقرب
ولا فيه جواكى غيرى
آجى أقرب ألقى قلبى
يدق وألقى نفسى برجع
قد إيه الحب صعب
قد إيه الشوق بيوجع
بعد فترة قلت لازم
إحساسى يوصل مهما كان
رحت وإتكلمت فعلا
قلت بحبك من زمان
شفت فى عنيتها الخجل
مصحوب بأجمل إبتسامة
وإديتنى وردة من إيديها

قالت لى دى هى العلامة
روّحت طائر من الفرّح
وبحضن كل شئ بقبّاله
أصل ده إحساس جديد
عمري ما جربت قبله
قد إيه حلوه الحياة
قد إيه إحساس جميل
لما تلقى حلم عمرك
بين إديك مش مستحيل

بنسى نفسى

بنسى نفسى لما أشوفك
وتغيبى أتونس بطيفك
وأبقى نفسى فى كل ثانية
إنى اشوفك مرة ثانية
بس لو تسمح ظروفك
وتغيبى قلبى ينكسر
أنسى نفسى وافتكر
كل نظرة من عينيكى
وأمنى يجمعنا القدر
نفسى مرة أوصف خدودك
وإبتسامة من شفائيك
آجى اوصف لون عينيكى
الحروف تحترق فى وصفك
جوا عينك دنيا واسعة
فيها موج بيهزنى
حتى لو فكرت أهرب
ألقى شئ بيشدنى

oboiikan.com

إصرخى

أنا عايز أترجم إحساسك
ليه دايمًا صوتك مش مسموع
ليه عايشة في صمتك بتعاني
ليه دايمًا جوا عنيكى دموع
إحساس موجوع من كل الناس
ومشاعر خايفة ومكتومة
بين فرح وجرح ولوم وهموم
أيامك دايمًا مقسومة
نظرة عيون متحيرة
وكلام كتير جواه ألم
كل حرف في كل كلمة
ترجمته قلب بيتصدم
الصمت والكتمان سلاحك
بس السكوت معناه انسحاب
مع كل ظلم بتهرىبى
ونهاية الأمر اكتتاب
اصرخى بصوت انجرح
ومش مهم حد يسمع
خللى صرختك احتجاج

ضد ناس تظلم وتخدع
نفسى أعرف
نفسى أعرف شايفه إيه
ولا إيه بتتوقعيه
خلا قلبك فجأة باع
الى كنت بتشتريه
الى قلبك بيه رضا
واللى كنت مغمضة
عينك عليه
لو فكرتى شويه بجد
أو حسيتى باحساس حد
كل يوم بتعذبيه
كنت غيرتى الطريقة
كنت شفتى إيه الحقيقة
قبل ما كنت تضيعيه

نفسى أضحك

ليه دموعى مستمرة
نفسى أضحك بس مرة
نفسى تبتسم الشفايف
نفسى أعيش زى الطيور
أغضب أعدى الف سور
نفسى أفرح بس خايف
جوا نفسى شئ شددنى
والحنين لفوق واخذنى
عند أبواب القمر
إحساس جميل لفوق نادانى
بس فجأه رجعت تانى
إنسان وحيد بين البشر
أقوم أنام أسهر وأفكر
أغضب أثور ممكن أكسر
حتى أحلامى البسيطة
الى مش ممكن هتبقى
أصل الحياه بالحزن سابقة
أصلها أحلام عبيطة

oboiikan.com

آه يا بلد

آه يا بلد فيكى العجب
ماشية عكس الاتجاه
ليه فيكى مستنى الهروب
واللى بي فكر يا دوب
واللى هاجر واللى تاه
آه يا بلد
ليه اللى بعته مشترى
واللى رغم القسوة فيكى
واللى بره بيندهه
شئ غريب ليكى نداء
بس ما يملك لحالك
غير هوى يجدد آمالك
غير صراخه وقولته آه
آه يا بلد
الصح باين والغلط
ليه بس جواكى اختلط
ليه الحقيقة اتبدلت
ليه الصبر يوصل منتهاه
آه يا بلد
عايشة على ذكرى اللى مات

وبتعشقى كل اللى فات
ع القبر تستنى اللى جى
بس اللى جى محتاج حياه
آه يا بلد
الأرض فيكى والسما
تبكى على عقل اتعمى
على يتيم من غير هدوم
على المريض من غير دواه
آه يا بلد
ليه اللى بيفكر ويحلم
نفسه فيكى يعيش ويسلم
فى النهايه بتطرديه
واهو حد غيرك اشتراه
آه يا بلد
ليه اللى مسموع من ولادك
واللى متمتع بزادك
فى الشدايد تندهيه
وحسابه فى الخارج ناداه

حد تانى

لما فجأة تحس نفسك حد تانى
حد ذاته عكس ذاتك
بس عايش ذكرياتك
حد بيخليك تفكر
عكس نفسك لو ثوانى
حد جواه اللى فاتك
أمنياته أمنياتك
يبنى جواك الأمل
بس بتموت الأمانى
فجأة تلقى ترجمة كلمة حياه
إنسان يتوه جوا الحياه
وشعور يعانى
والحاجات الحلوه فى عنيك تختفى
وبدون أثر
واللى فاضل جوا منك
قلب انكسر
فيه الحروف من غير معانى
لما نفسك تسألك من ياسها
إنت مين
وليه حياتك بين وبين
لحظة فرح ودموع سنين

oboiikan.com

إنت مظلوم ولا جانی؟

بینی و بینک
بینی و بینک
ألف سد وسد
أعدی واحد القی الطریق إتمد
و شد قلبی و عینی للمجهول
و تهت من نفسی
فی طریق ممنوش رد
بینی و بینک
ناس و زحمه کتیر
و عیون بترصد
شوق و حب کبیر
و عیون تشوف الحب تتألم
و کل نظره عین

۳۷

لیها میت تفسیر
بینی و بینک
بحر بعدیه بحر
ولیل طویل أعمی
مفیش ف آخره فجر
طریق بدایتہ ألم

ونهايته بعد وهجر
بينى وبينك هوى
وقلب عاش بيكى
محتاج لنسمة هوا
وحياته فإيديكى
بينى وبينك سفر
وقلب تاه وإنكسر
كان نفسه يوم يرجع
فى يوم يلاقيكى

عشت عمرك

عشت عمرك كله شايف
بين البشر ملاك برئ
إنت شئ في الدنيا لكن
هى عندك كل شئ
هى تفسير الحياه
عندك انت ع الأقل
قربها كان الأمان
بعدها كان خوف وذل
إنت حبيتها بجنون
هى حبت حد غيرك
عايشه جوا عنيه أسيرة
وإنت إحساسك أسيرك
شفتها الدنيا بجمالها
و ف عيون الناس عادية
سبت إحساسك يشدك
للهى و كنت الضحية
شئ غريب ف الغيب بيسحر
ويخدع الإحساس ف ثانية
يرسم الصورة الجميلة
والحقيقه حاجه تانية

oboiikan.com

هو إحننا ليه

هو إحننا ليه ممكن
نحب حد عمره ما حس بينا
حد عمره ماشاف دموعنا
ولا رق يوم لعيون حزينة
طاب ليه بنخدع نفسنا
ونعيش سراب
ونسيب شعورنا يشدنا
نمشي ف طريق كله ألم
نرجع بحسره وإكتئاب
وليه من الأول ندور
على حد خان أو حد باع
وليه مبنعش الحقيقة
وليه بنستحلى الخداع
هى الحياة ممكن
على واحد تقف وتقول كفاية
طاب ليه نعذب نفسنا
وقبل الحكاية ما تبتدى
بنحط تترات النهاية

oboiikan.com

رغم حبي

بتوحشيني غصب عنى
رغم إنى
يوم ما حبيتك كرهتك
رغم إنك جزء منى
سبتنى منك وسبتك
رغم حبى إلا انى
نفسى إنك تبعدى
ونفسى إنك ماتغبيش
جزء منى بيرفضك
والباقى من غيرك مفيش
إنت الخطأ وإنت الصواب
إنت الحقيقه والسراب
إنت اللى كان لازم تكونى
جوه قلبى وجوا روحى ما
ترحليش
بس شئ جوايا بينادى إرحلى
وسبيلى طيف
انت الربيع وإنت الخريف
وإنت أمان لدموع حزينه

بس لما بتغضبى
ممکن تكونى شئ مخيف

obeyikan.com

هو إنت

هو إنت زى مانا شايفك
ولا إنت شئ غريب تانى
ساعات بحس
إنى مش عارفك
ولا إنت كنت عارفانى
ولا إنت كنت يوم حلمى
وأقول يارب أنساها وتنسانى
وساعات بحس
إن إنت جوايا وشايفانى وحسانى
ورغم البعد والمسافات
سامع صوتك
بيهمس جوا وجدانى
صوره مرسومة ف قلبى
ولما بشوفها بفتكرك وبنسانى
وبنسى الدنيا على حسك
ولو مره إتذكر إسمك
ألقى حروفه هزانى
شعور غامض ملوش تفسير
وعالم جو منه

أسير
ولوحيت ف يوم أهرب
جوا عنيكى ألقانى

obeyikan.com

أنا الدكتور

أنا الدكتور
أنا الى عشان أبقى بعدى بحور
أنا الى بداوى الناس
وبستحمل كثير يامه عديم احساس
وييجى الليل أبات قلقان
عايش مزعور
أنا الى كنت متخيل
بان الدنيا راح تبقى جناين فل
لقيت نفسى عايش فى الذل
فى ظلم وجور
أنا الى حياقى بتعدى
بدون ترتيب
عايش عمرى ف دوامة
وياما قسيت حاجات يامة
عايش تعذيب
أنا الى كنت مستنى ف يوم تقدير
يعوض تعبى وشقايا ببشرة خير
لقيت غيرى بيتقدر
وأنا بتعب وبتكدر

إيه التفسير
انا اللى حياقي قضيتها في وسط
النار
وكل ما حد يسالنى
أقول له للنجاح أسرار
وفي الآخر لقيتني ورا ومتاخر
بقيت صرصار

يارب

يارب من غيرك وحيد
والبشر مبقوش بشر
وإزاي يارب أمد ايد
لقلوب أشد من الحجر
يارب أنا قلبى إنكسر
وبقيت غريب
ومليش ما بين الناس حبيب
غير دمع عينى اللى إنفطر
أنا كل ما أبعد عن طريقك
يارب بيزيد الإكتئاب
يارب يسر لى الطريق
وإحمينى من إحساس بضيق
وكل ما يتسد باب
إفتح لى باب
وإحمينى ياربى
من نفسى والهوى
ومن حاجات مش قادر أحكيها
وحاجات ف قلبى من خوفى
مخبيها
وإنت ياربى اللى عالم بالقلوب

يارب لو كترت ذنوبي
وبانت بين الناس عيوي
إنت ستار العيوب

obeyikan.com

فيه حاجات

فيه حاجات تفسيرها يموتها
فالأفضل إنها تفضل غامضة
وحاجات بتموت من غير تفسير
وحاجات رغم الأمواج صامدة
وحاجات بنسيبها فنسائها
وحاجات بتسيب جوانا ذكرى
وحاجات بتحير تفكيرنا
يروح إمبراح مايحيش بكره
وحاجات موجوده ف خيالنا
لكن ف الواقع مش بتعيش
وحاجات وقت ماتملكها
تفتح إيدك تلقاها مافيش

oboiikan.com

جوا عنیہا

جوا عنیہا بعیش وبشوف
کل کلام الحب حروف
متوزعه من غیر ترتیب
جوه عنیہا حروف بتعانی
نفسہا ترسم أحلى معانی
تمسك مع بعضہا وتسیب
محتاره وتفکیرها إحتار
جوا عنیہا کثیر أسرار
أفکار بتودی وبتجیب
جوا عنیہا بشوف بستان
ورد وفل زهور الوان
جوا عنیہا السحر عجیب
جواها أجمل إحساس
مشاعرہا غیر کل الناس
لو غابت الشمس تغیب
جوه عنیہا جمال مش عادى
جوا عنیہا زهور بتنادى
إرجع لى یا أغلى حبيب

oboiikan.com

عائشين وبنفكر

عائشين وبنفكر
إزاي ف يوم نقدر
نرسم ولو مرة
ملامح التغيير
وتمر أيامنا
بفرحنا وألمنا
ننساها نلقاها
سايبالنا حمل كبير
بين حلم جى وفات
بنقطع المسافات
وكاننا إختارنا
نقضى الحياه مشاوير
وما بين كلام وسكات
عائشيناها أمنيات
قبل الو صول نرجع
وفشلنا له تبرير
عائشينا حياة غيرنا
ولغينا تفكيرنا
أصل الحياه ماشية
حتى بدون تفكير

جوا الحياه تايهين
طاب فين يودى لفين
دى عنينا مش شايفة
الشر فين والخير
ليه الحياه سابقه
نتمنى لو نبقى
زى الطيور ف السما
لينا جناح ونطير

فكرتى فيه كم مرة..؟

فكرتى فيه كم مرة وأنا غايب
عايش أيامى ف الغربه
وقلبى م الحنين دايب
بفكر فيكى ف الثانيه متين مرة
وبتعذب وأنا بقضى بعيد عنك
سنين مرة
ونفسى لو أعبر لك
ويوصلك
رغم البعد إحساسى
أقاسى البعد ف الغربه
وأيامى كثير صعبه
ونفسى إنت م تقاسى
رجائى ف يوم ماتنسينى
ونادينى ف أحلامك
ولوحسيتى بالوحشه
شوفينى ف صورة قدامك
أنا منك وأنا ليكى
وأنا اللى كان ف يوم واقف على
بابك
وأنا اللى رغم أشواقه

ورغم ولاءه لعنيكى
ف يوم سابق

obeyikan.com

كاتم جوایا اشواقی

مسموح لی أقول لك وحشانی
ولا مش مسموح
كاتم جوایا اشواقی
وقلبی نفسه مره یبوح
أجیلک أجرى وتصدى
وأتكلم ولا تردى
كأن الفرحة ف عنیكى بتتصور
ف يوم م تشوفى إحساسى وأنا
مجروح
برغم القسوه ف مشاعرك
ونسیانك لكلمة شوق
بشوفك قلبى یتنفس
وبتغیبى أبات مخنوق
ورغم الهجر بدعیلك
بكل الخیر
وبدعى ربنا یخلى
هوایا حلم جوایى
ولو حتى بدون تفسیر

obseikan.com

غضب عنك

عيش حياتك غضب عنك
وإخلف ظني فيك وظنك
ف الى كان ممكن يكون
عيش ذليل من غير إرادة
وافتكر إن السعادة
هون الأيام تهون
طاطى راسك لى أقوى
لجل يبجى يوم ما تهوى
لجل ما تتصان تصون
صون لسانك وإقطعه
واللى يتقال إسمعه
عكس ده بيقى الجنون
ف التراب ممكن تعيش
والحياه أهى أكل عيش
قبل ما تتخان تخون
وإوعى ف يوم تفتكر
بالعلام راح تبتكر
خلى فيه جواك سكون
وإوعى يوم تمشى ف دربى
وإتختم بالختم عربى
وإوعى ترمش لك جفون

oboiikan.com

الحقيقة

رغم إن الدنيا ماشية
ف إتجاه واحد محدد
والطريق طال أو قصر
النهاية شئ مؤكد
والمؤكد
إن كل الناس بتنسى
أو بتتناسى الحقيقة
وإن كل الناس بتهرب
بالمشيئة للمشيئة
والحقيقة
كل يوم بنشوفها فينا
ف اللى حملت واللى مات
واللى أصبح رغم عنه
صورة ف دولاب ذكريات

obseikan.com

لو ف يوم

لو ف يوم حسيت بخوف
وإن إنت وسط الناس غريب
وإن إنت مش قادر تشوف
بين وشوش الناس حبيب
وإن إنت حاسس باكتئاب
والفرح جوا عينك سراب
رغم أسباب السعاده
وإن النسيم ف الفجر يخنق
والحزن بات ف القلب عاده
وإن الزهور دبلت ف عينك
والطيور
الى كان صوتها بيبهج
إبتدى يحرك شجونك
وإن جيت ف يوم حسيت
بالشمس ممكن تطلع م الغروب
وإن خلاص الكون يادوب
ومفيش هروب
وإن النهايه خلاص أكيد
وإن انت شايف كل شئ كان يوم

قريب
ف عنيك بعيد
قول يارب بكل صدق
سبحه واسجد ونادى
مهما تنسى ولا تبعد
ربنا قال يا عبادى

مش هتلقى الراحة إلا
لما منه ف يوم تقرب
جرب الإحساس ده مره
بعدها لربك هتهرب

ميين ف الدنيا

ميين ف الدنيا مش بيخاف
وميين جواها مش موجوع
وميين عايش بدون أحزان
وميين ما شافتش عينه دموع
وميين ما قابلهش يوم صاحب
ووقت الشده صاحبه باع
وميين ما عاملش فيها الناس
وشاف منهم نفاق وخداع
وميين فينا مهوش عايش
على التانيب وجلد الذات
وميين فينا قدر ينسى
وما يفكرش في اللي فات
وميين ف الدنيا مش شايف
مشاعر الناس بتتغير
وميين استنى يوم القرب
وكان البعد متقدر
وميين فينا ف يوم ما حلمش
ما بين الناس يلاقى أمان
وميين ف الدنيا مش عايز
يعيش كما إتخلق إنسان

obseikan.com

أنا شايف

أنا شايف نفسى ف عنيكى
شبح انسان
لا منى عرفت أنساكى
ولا انت قدرتى ع النسيان
لاقادر يوم على بعدك
ولا انت كهان
أشوفك قلبى يتعذب
تشوفينى كأنى غريب
أبص ورايا ألقاكى
عنيكى على مش بتغيب
ألقى قلبى راجعلك
وعقلى يسيب
شعورك نحوى حيرنى
وإحساسك ملوش تفسير
أشوف اللهفه ف عنيكى
أقرب يبدأ التغيير
ليه حبك ليا كله غموض؟
وليه حبى بدون تفكير؟
وكل ما أقول خلاص هنسى

ألقى عنيكى بتنادى
أطمئن قلبى ومشاعرى
بإن قلبك البادى
تقرب روى من روى
تلاقى البعد شئ عادى
أنا شايى نفسى ف مرابتك
حروف تايهه بدون معنى
ولا الأشواق بتتغير
ولا الأيام بتجمعنا
ندوس ع الشوك ف مشوارنا
ونرجع منه بدموعنا

بعد اللقاء

بعد اللقاء سيكون فراق
والبعد بعديه إشتياق
والشهد يبجي بعده مر
تبكى لحال العاشقين
لحظة فرح ودموع سنين
ومفيش سعادته بتستمر
وأهى دنيا بتفرق قلوب
حبيب يغيب وحبيب يدوب
ودا حالها مع كل البشر
فيها الى حب وشاف عذاب
واللى بغياب حبه غاب
واللى من حبه إنكسر
فيه ناس فى لحظة الوداع
بتحس إن العمر ضاع
جرح الهوى بيسيب أثر
فيه حد بعد البعد داب
واحد قضى العمر إكتئاب
وحد رغم الشوق صبر
قلوب بيقتلها الحنين
وقلوب ترقق لدمع عين
و قلوب أشد من الحجر

oboiikan.com

أنا ليه بخاف

أنا ليه بخاف لما بشوفك
مع إنها أحلى حكاية
يمكن عشان خايف تمشي
وتسيبي جرحك جوايا
يمكن عشان مش مطمئن
لو يوم مشيتي ما ترجعيش
تنسى واحد انت روحه
والهوى علشان يعيش
تنسى واحد عاش حياته
كلها علشان حياتك
تنسى واحد حبه ليكي
أقوى من حبك لذاتك
أنا حبي عمره ما كان يوم ضعف
ولا شوقي ليكي كان إستسلام
بس القلوب أما بتعشق
بتحول الواقع أحلام
أنا خوفي شئ مش متفسر
أنا خوفي منك وعليكي
وياريتني بس ف يوم أقدر
أمنع عيوني تعيش ليكي

oboiikan.com

جوا منها

ف لحظه بصت جوا منها
لقت إحساس غريب ساكنها
وحاجات كثير متغيرة
إحساس بيمر زى طيف
إحساس عجيب لكن لطيف
خارج حدود السيطرة
من غير سبب تضحك وتبكي
ولأى حد عايزه تحكى
بقت المشاعر ثائرة
الناس تنام وهى تسهر
وتفضل طول الليل تفكر
بقت خلاص متحيرة
بعد التعب سألت سؤال
أناليه سهرت وليلى طال ؟
ومشاعرى مش متفسرة
ليه بقيت بكلم النجوم
مبقاش ببيجى لعينى نوم
يا ترى إيه اللى جرى؟
لسؤالها كان نفس الجواب

الحب دا مصدر عذاب
أصل انت لسه صغيرة

obeyikan.com

نفسی اكون

نفسی اكون جواكى ذكرى
ييجى بكره ماتتنيش
نفسی اكون جواكى فكرة
نحب نكره
بس ف الآخر تعيش
نفسی اكون ف عنيكى طيف
حتى لو يوم خفتى منى
إخلفى ظنك و ظنى
ومتخافيش
نفسی اكون جواكى صورة
رغم ضياع التفاصيل الى فيها
والى باقى منها ما يدلش عليها
بس برده ماتتحميش
أنا بعد منك ممكن أبقى
بس مش ممكن أعيش

oboiikan.com

بنعیش ف الیوم

بنعیش ف الیوم ملیون إحساس
نكره ونحب ونفس الناس
الی عشانهم حد إتساب
بنسیهب من غیر أسباب
علاقات ماشیه عكس عكاس
عایشین بطبیعه وطبع غریب
نتساب نمسك فملك بنسیب
تلقى الإحساس نفسه وعكسه
إنسان عاجز يفهم نفسه
وقت ما يفهم عقله یغیب
مشاعرنا فیها إزدواجیه
جوانا أكثر من شخصیه
وقت ماتحلم تبقى إیجابی
بتلاقی مشاعر سلبيه
الإنسان بطبیعته یحیر
والشئ الی عشانه یتغیر
وعشانه بیتعب ویعانی
ممکن ینسأه بعد ثوانی
أحاسیس مش ممکن تتفسر

obseikan.com

كان نفسها ..!

كان نفسها تتحب بجد
والأيام بين مد وشد
عمرها بس دموع وسكات
لحظات تفكيرها بتتخيل
مع شجرة بترقص وتميل
فارس أحلام م الحكايات
تغمض عينها تشوف أحلام
أجمل نظرة وأحلى كلام
حيرة وغيرة وشوق وآهات
تفتح عينها تشوف الواقع
الأيام بتمر قوام
عايشه وحيدة برا الدنيا
تحلم ثانية وتفوق ثانية
لحد ماتعبت م الأحلام
فتحت عينها لمحت طيف
قالت هوا فتى أحلامي
ضحكت ضحكه جميله وقالت
بس خلاص ضحكت أيامي
بصت لعنيه وإبتسمت
والفرحة الحلوة إترسمت

نظرة عينه فيها إعجاب
قلبها من فرحته هيظير
قصت حب من الأساطير
نظرة عينه فتحت باب
شاف بسمتها وعجبه سكوتها
ةقرب منها بكل سكون
وعشان يمنع أى ظنون
راح يسأل إيه عنوان بيتها
ببراءة إديتله العنوان
شافت فيه إجمال انسان
أجمال منقذ من وحدتها
مر يوم والتاقى تستنى
وعدالعمر اللى بتتمنى
كل الأحلام اللى عاشتها
بعد ثوانى رن التليفون
صاحبتها بتصرخ بجنون
واحد راح علشان يخطبها
يا خسارة إتجوز صاحبتها

كان نفسه ..!

كان نفسه يعيش قصة مثيرة
كان نفسه يكون فارس أحلام
ياما كلم نفسه فى أحلامه
عن نظره بعديها كلام
عن واحده تحس بأوجاعه
قلب صغير بس يساعه
قلب يعيش جواه بسلام
أول واحده لمحها بتضحك
شاف فى عنيتها نظرة إعجاب
كدب نفسه قال مش ممكن
ممكن جوا القلب ده أسكن
طاب دا حقيقه ولا سراب
مرة تانيه شاف عنيتها
نظرة الإعجاب دى فيها
من فرحته إتبخر داب
بس خلاص صمم يقابلها
عن حبه وأشواقه يحكيها
بس خلاص الحلم إتحقق
والأيام الحلوة هتبدا
لمحته ضحكت وإبتسمت له

غمزت بعينها وقالت له
إزاي احبك! انت تصدق؟
لو فكرت هتعرف ان
نظرتي ليك نظرة عادية
أنا بس للحظة أنا فكرت
إن دي قصه مسلية

وأدينا ف الدنيا..!

وأدينا ف الدنيا
عاشين ومش عاشين
عمر الفرح ثانيه
والحزن عمره سنين
وكإننا إختارنا
نحترار ف مشوارنا
نقضى الحياة تايهين
عاشين حياتنا ف شد
نتحب حب بجد
ونحب ناس تانين
تايهين بمشاعرنا
عاشين حياة غيرنا
وسؤالنا نعشق مين
وقلوبنا أهى حاسه
فى نهاية القصة
هنرد مجروحين
أحلام ما تتحقق
أوهام بتتصدق
جرح وألم وأنين
والأرض أهى بتدور

واحد واحد بالدور
وإحنا فيها ضايعين

obeyikan.com

حلم..!

عاشين حياتنا ف حلم
والحلم يخدعنا
وبنقضى أحلى سنين
فى حاجات بدون معنى
وعادتنا نتألم
ولا نشكى أوجاعنا
نرسم لبكره طريق
والخوف يرجعنا
نصرخ نهز الكون
والناس ماتسمعنا
عالم غريب مجنون
عاش على دموعنا
نعيش سنين انتظار
عشان واحد بعنا
لحظة مايجى الأمل
فجاة يودعنا

obseikan.com

انساکى

أنا شايف إني أنساكى
دا افضل حل
لإنيك إنت مليتى
وقلبى من عذابك مل
ساعات الحب بيحير
يغور الذل
معاكى النار بتحرقنى
وبتغيبي بييجى الضل
معاكى بيطرح الصبار
وفي غيابك جناين فل
معاكى الأرض تطرح شوك
بدونك راحه لو فى الطل
أنا لو فيكى يوم فكرت
أكون مختل
ودا راي بدون تاثير
أدينى بعلنه للكل

obseikan.com

لما الكلام

لما الكلام عنك
يعجز عن التعبير
والصمت يتكلم
كلام مالوش تفسير
واما الحروف ترتبك
وتسأل التيسير
فجأة تتتوه المعاني
وتفقد التأثير
أبحث عن الحرية
ألقاني فيكي أسير
وأما الزهور تضحك
وتتمايل لأحلى عبير
والشمس تطلع تلاقى
نورك سابقتها كثير
فجأة النجوم تتكسف
من القمر وتغير
فجأة تلاقى المشاعر
فوق السحاب بتطير
والفرح ينزل مطر
والكون إلى تغيير

عصفور أسير في القفص
شافك فنفسه يطير
سألت نفسي دا إيه
ردت بدون تفكير
طبيعي أقول ده حب
لو تسأل التبرير
بس الحقيقه لأ
إعتبره حلم كبير

وتاخذنى الذكريات

بنسى نفسى وأسرح ساعات
و تاخذنى الذكريات لبعيد
وأففل عيوني
وأفتكر اللى فات
أرجع لوقت ما كنت
فى المدرسه
والصحة اللى كانت
والحب اللى مات
وفرحتى فى يوم نجاحى
واللى كانت
يوم ما اقول انى فرحت
يا دوب ساعات
وأول مرة أكتب جواب
وأرجع بسرعه وأقطعه
وأقول كلام فى السر لكن
اتمنى إنها تسمعه
ولما يوم بكيت عشان
حلمى اللى كان
مممكن يضيع

وبكيت على صاحب
قلت مش ممكن يبيع
بس باع
بعدها اتعلمت أكتب
لحاجات كتير كلمة وداع
وأول مره كتبت شعر
وأول مرة يكون لى سر
وأول مرة اشوف عيون
بتبص لى جواها سحر
وكلام كتير
خلانى أعيش احساس جميل
وابدا أغير
وأرجع لوقت ما كنت عايش
بشعور برئ بين البشر
وإن الحق حق
وفى النهايه بينتصر
بس لما كبرت حبه
كل المعانى اتشوهت
والحق جوايا انكسر
كنت برسم فى الحياة
أحلام كتيرة وأمنيات
وبعد آخر تجربة
لقيت الدنيا ادتنى حاجة
وأخذت منى كتير حاجات

كان نفسى

كان نفسى حد يحبنى
ويحس بيا
ينسى كل الدنيا ويفتكر
بس إنه ليا
يشوفنى جوا عيونه طفل
محتاج لحب وإهتمام
وإن المحبه مسئوليه
أهرب اليه لما من كل شئ
وأعيش معاه إحساس برئ
وأما أخاف يمسك إديه
لو مرة ضعت وقلبي وتاه
أبص فى أى إتجاه
ألقي عنيه تدور عليه
يكون حبيب ويكون صديق
أمشى معاه فى نفس الطريق
وأحلم بايامى اللى جايه
حد يرجع لى الامل
لو منى ضاع
ويشترينى بدمه لو
الكل باع

أفتح له قلبي وأطمئن
وأفقل عنه

obeyikan.com

علشان محتاج لك

علشان محتاج لك بتعاندى
وتغيبي علشان مشتاق لك
رغم الأشواق اللى ف قلبى
أنا ممكن أبعد وأعانك
جوايا مشاعر مش بنكر
وأنا عارف إنها جواكى
كل ما أقول إن أنا هتغير
وبحاول عمرى ما بنسأكى
أنا لما بجيلك وبقرّب
ألقاى مخدوعة ومغرورة
أبعد عنك وأتحداكى
ترجعى بمشاعرك مكسورة
رغم إنى بحبك أنا ممكن
أهرب وأتبرأ من ذنبى
ماهو مش معقول لما أحتاج لك
ألقاى جنبى ومش جنبى
لما أسأل بتقولى بحبك
لكن بستغرب أحوالك
بتحير لو مره سألتى
وأستغرب لو جيت على بالك
علشان كده قررت أقاطعك

وأعمل ثورة على الأشواق
وأتمرد على نفسي وأعاند
قلبي اللى إتجرأ وإشتاق

ليه بحبك؟

إنت عارفه يا حبيبتى
أنا ليه بحبك؟
عشان بشوفك حد تانى
غير أى حد عرفته قبلك
عمرى ماشفت جمال عنيكى
ولا شفت قلب زى قلبك
أحلى لحظه فى عمرى كانت
يوم ما جيت يا حبيبتى أقابلك
كنت فاكر إني عايش
بس عمرى ما عشت قبلك
إنت فى كل شئ جميله
دى الحقيقه ومش بجاملك
نفسى أديكى عمرى كله
والحياه لو كنت املك

obseikan.com

لو نسييتيني

لو نسييتيني في بعدى
إنت أغلى حب عندى
وأحلى زهره في الوجود
وإنت أحلى حلم عشته
وأحلى ورده شفتها
وعشقتها بين الورود
قلبي اللى داب من حبه ليكى
واللى عاش عمره يناديكى
مستحيل يخون عهود
حتى لو يوم غبت عنك
جوا منى جزء منك
غصب عنى راح أعود
حد ينسى او يفارق
أحلى ذكرى وحب فارق
أو يسيب أجمل خدود
القلوب اللى بيجمع
بينها حب وعين تدمع
مش ممكن تفرقها الحدود

oboiikan.com

يا ناس

يا ناس ميقتش بتفكر
وف كل حاجة بتكسر
لغه واحده ودين واحد
وادى العالم أهو شاهد
مفيش حلم بيتفسر
بيقتل أخوه باسم الدين
وحد وراه يقول آمين
عشان الجنه تتقدر
مفيش ميثاق ولا مبدأ
وأى كدبه تتصدق
أفكار هدامة بتاخر
بقيتوا خلاص فى آخر الصف
ومركونين خلاص ع الرف
وحد غيركوا بيقرر
مصير أمه فى إيد غيرها
وأرض ضيعوا خيرها
وفى الآخر بتتحسر
على أمجاد بناها جدود
وأرض اتقسمت وحدود
وأرض عايزة تتحرر

مفیش نخوة ولا أخلاق
وقلب الناس بدينهم ضاق
وأحوالهم حاجه تحير
بیاخذوا عدوهم قدوه
وعقل يعيش بلا جدوى
بيتأثر ولا يآثر
نبيكم خير أهل الارض
ومنهج ليكوا حائط صد
ليه نمتوا وغيركم يفكر

مصر اللى بتغنولها

مصر اللى بتغنولها
وبتوصفوا فى جمالها
واللى شايفينها جنه
والكل عشانها غنى
واللى عايشين عشانها
وبأغانىكم أمالها
واللى هايمين فى نيلها
وبتقولوا مفيش بديلها
كم حد غنى قالها
الفقر خلاص مليها
يا ريت تعيشوا فيها
علشان تشوفوا حالها
سافرتوا كتير أماكن
وفقير فى ترابها ساكن
وداها شاغله باله
ياريت يكون فى بالها
كانت أجمل مدينه
والحب اللى ملينا
والحلم اللى ساكنا
دلوقت بس مالها
فيه ناس بتحب مصر

وتموت علشان تعيش

وناس بتغنى ليها

وغناهم أكل عيش

وناس هربت بـمالها

وناس فى الفقر عايشه

لكن جاوبت سؤالها

أعظم منهج حياة

أعظم منهج حياة
من رب العالمين
شفت الاسلام رسالة
طاب فين المسلمين
شفت الإسلام محبة
وسلام بين البشر
شفت الاسلام بييجر
بالخير قلب إنكسر
شفت الإسلام أمل
في عيون المحرومين
طاب فين المسلمين
هى مجرد شهادة
او كلمه على الورق؟
ولا منهج حياة
ليه المركب غرق؟
وليه بقينا شئ
في إيد المجرمين
راحت فين الكرامة
وليه المجد غاب
وليه الصورة دايمًا

ما بين عتمه وضباب
وبعد ما كنا سادة
ليه بقينا مذلولين
هيعود المجد حتما
والدين هيعود اكيد
ما هو اول الرسالة
كان الرسول وحيد
بعديها الدنيا سجدت
لرب العالمين

جربت تشكى

جربت تشكى فى أى وقت
لحد غير ربك وسمعك
فيه حد رق لشكوتك
وحن لما بكيت لدمعك
فيه حد مره بدون ما تسأل
جاوبك وخفف لك ألم
فيه حد يفرح لما تغلط
وتعود إليه بتوبه وندم
فيه حد بعد الناس ما قفلت
وردت فى وشك البيان
وقلت خلاص مفيش أمل
فجاه الفرج من عنده بان
مين اللى يفرح لما تدق
بابه وتطلب منه شئ
مين اللى جاوبك لو دعيت
مين اللى نور لك طريق
مين اللى رغم المعصية
بيرزقك من كل خير
ولما تبعد عن طريقه
خلى جواك الضمير
مين اللى شملت رحمته

كل شئ ممكن يكون
مين اللى كان للنملة
تحت الصخرة جوا العتمه عون
مين اللى خلق الرحمة
ووزعها بين كل البشر
مين اللى خلى الأم تحضن
طفلها فى وقت الخطر

لسه فاكرك

رغم غيابك لسه فاكرك
طيبتك حافظة بينا ذكرك
مهما أعمل بعد منك
مستحيل أوفي شكرك
إنت عندي أغلى غالى
عمرك يوم مافارقت بالى
كنت أقرب حد ليه
والجواب اللى لسؤالى
كانت عنيك فى الأرض دايمًا
كنت منى بتتكسف
كنت تتألم بجرحك
وأسالك تقولى خف
عمرك يوم ما كرهت حد
وكنت راضى بالقليل
لسه صورتك جوا قلبى
وإنى أنساك مستحيل

oboiikan.com

بعد السنين

الى فانت من غيابك
لسه جوايا الحنين
مش قادر أنسى حبي ليكي
وإشتياقي
وشعور جميل رغم بعدك
برده باقى
وأغلى حاجة إني الاقى
ذكرى حلوة ما تتنسيش
وحاجات ما بينا
رغم بعد المسافات
قدرت تعيش
فاكرة أول مره شففتك
لما كنت بتضحكى
وحاجات كتيرة بينا تملى
ألف كتاب لو تتحكى
كان نفسى أشوفك
قبل ما تسافرى لثوانى
كان نفسى أقول لك
ان إحساسى فاضل لك
مش هياخده حد تانى
بس الحياة دايمًا كده

ما بين لقا وما بين فراق
لحظات جميله صغيرة
وبقية العمر اشتياق

obeyikan.com

حب كان هو الحياه

كنت على حنينه و بتسألى
دلوقت ليه متغيرة
ورغم عمرى اللى إتسرق
إنت اللى قلتى نفترق
طاب ليه بقى متغيرة
تشوفينى صدفه تهربى
بعنيكى قال مش واخده بالك
بس أما عينى جت ف عينك
شفت قلقك وانشغالك
وآدى حالك
الشوق ف عنيكى متصور
وعنيكى عليا بتدور
وعامله إن إنت مش همك
ورعشة إيديكى سبقاى
وكاتمته فى السكوت همك
ومن همك
بقيتى خلاص متوترة
وضحكة عنيكى مكشرة
وكل اللى جواكى ظهر
دور البطولة اللى انت

كنت بتسّميه كشفه القدر
واللى إنت يوم فكرتى فيه
وحببتي إنك تكسريه
برده انتصر
ورجعتى ليه
بدموع عنيكى وبالندم
وبقلب فى غيابته إتحرم
من حب كان هو الحياه
بس الحياه فرح وألم

ناس وناس

(١)

فيه ناس برغم البعد
بتفضل عايشه في الوجدان
وبتعلم في قلب الناس
وناس بتعلم النسيان
وناس على قد ما تعاشر
بتبقى في أمرها حيران

(٢)

فيه ناس فاهمه وملهاش صوت
و ناس تافهه ومسموعه
وناس في الجهل مرتاحه
وناس م العقل موجوعه
وناس تايهه ما بين الاتنين
وناس م الخدمه مرفوعه

(٣)

فيه ناس من كلمه بتأثر
وناس تسمع و تتأثر
وتيجي تفسر اللى إتقال

تلاقى كلام ما يتفسر
وناس تبني في أحلام ناس
وإيد هدامه بتكسر

(٤)

فيه ناس غريبه رغم القرب
وبيكونوا سبب همك
وناس من غير ما تعرفها
تمد إديها وتضمك
وناس صدفة بتعرفها
تشوفها تقول دي من دمك

(٥)

فيه ناس رغم حرمانها
بعزة نفسها بتبان
كأغنى الناس
وناس برغم ما تملك
كتير بتعاني من حرمان
ومن إفلاس

برك إستغنى

إوعاك تقول الآه
أو تشتكى همك
مستنى مين يسمعك
وبين إديه يضمك
مستنى تلقى غريب
أو حد من دمك؟
عارفك فى وقت الوجع
محتاج لإيد تسند
وقت القلق والخوف
تبكى وتشتكى لحد
وتلقى حد معاك
لو الألم إشتد
بين لحظة والتانية
على إديك بتعد
صاحب لقيته باع
والثانى رفض الرد
بعد الألم واليأس
قررت تبقى وحيد
عايش بدون إحساس
إنسان بقلب حديد

لكن مع التجربة
كان حد بيعاني
وف محنته بيشتكى
الدنيا نسيانى
قررت من بعدها
ترجع بشر تانى
بعديها إتعلمت
خلاص أصول الدرس
خلاص فى وقت المحنة
مش راح تعيش اليأس
إبدا بعمل الخير
من غير ما تستنى
حد يرد الجميل
وبربك إستغنى

عنيكى بحر

بفرح قوى لما بشوفك
وألقى الدنيا بتنور
وأول مره فى حياتى
أشوف إحساس بيتصور
وأشوف الدنيا فى عنيه
بشكل جديد
وأغمض عينى وياكى
وأروح لبعيد
ألقى نفسى فى الجنة
وأسرح فيكى وأمنى
تكونى معايا طول العمر
وإن العمر يستنى
عنيكى بحر بغرق فيه
وموج البحر يحضنى
وألقى نفسى فيه دايب
كان عنيكى دى منى
وبقضى العمر مستنى
أشوف الضحكه فى شفايفك
وأشوف الورد فى خدودك
وأنام وأحلم وأنا شايفك

oboeikan.com

إنسان بسيط

بصرخ بصوت ضاع في الفضاء
الدنيا ليه حزينه كده
والحزن له في الكون آيات
إنسان بسيط بين البشر
لا عمره خان ولايوم غدر
كان معايا من ساعات
بيرسم أحلامه لبكره
معقوله فجاه يبقى ذكرى
وأسأل عليه يقولوا مات
ليه كل شئ حلو في حياتنا
فجأه بيصبح ذكريات
الفراق في الدنيا سنه
طاب ليه بننساه وهو بينا
ونبكي بس على اللي فات
هو إحنا ليه عايشين حياتنا
بنحب ونعانده في ذاتنا
ونترجم الحب لسكات
يغيب حبيب وعليه ما نسأل
وبعد ما يفارق ويرحل
نعيش على ذكرى اللي مات

oboiikan.com

كلام وكلام

(١)

عاشين حياتنا كلام
وكتير ملوش معنى
وكلام كتير نسمعه
بيزيد في أوجاعنا
واحد كلامه سحر
نصدقه بيعنا
وكلام مجرد حبر
وبرده يخدعنا

(٢)

وكلام عشان صادق
يرسم لبكرة طريق
وكلام يخلى لاشئ
في لحظه يصبح شئ
كلمة في وقت الخطر
ممکن تنجى غريق
وكلمة حق حيرانه
لو اتقالت تسبب ضيق

(٣)

فيه كلمه لما تسمعها
بتاخذك للسما وتطير
وتتصالح مع نفسك
ويبدأ بعدها التغيير
و كلمة تحرك الإحساس
وكلمة تعدى بلا تأثير
وكلمة تصالح الفطرة
وكلمة تعاند التفكير

(٤)

فيه كلمه حبسها أسلم
وصمت الناس ينجيها
وكلمة رغم صحتها
يكون الموت ساكن فيها
وكلمه تبدأ الدنيا
وكلمة تانيه تنهيها
وكلمة تونس الإنسان
في قبره لو نطق بيها

من قد إيه ..؟!

من قد إيه بسأل عليكي
كان نفسي أطمئن بجد
كنت بحسب الثواني
والأيام قضيتها عد
يوم ما غبتي شفت قلبك
للفراق كان مستعد
أصعب الأوقات يعيشها
حد إدّي هواه لحد
إحسبى كم مرة بعتي
ألف كلمة وألف وعد
دلوقتي بتقولى نسيتهك
وإن أنا اللى بدأت أصد
إنت اللى سببتى وبنيتى
بينى وبينك ألف سد
وياما كتبت بدمى ليكي
ولا مره واحده جانى رد
بس كان نفسي أقولك
إن صدق الحب عهد
والوفاء فى البعد قرب
والخداع فى القرب بعد

oboiikan.com

شعور البننت

فكرت أوصف شعورك
كأني مرايه جواي
كأني جزء من نفسك
وعاش طول الحياه يحلم
بإنه في لحظة يلقاي
جريت أوصف أمانيكى وأحلامك
فرحك وحزنك وخوفك
وإحساسك بناس باعت
وناس مرسومه قدامك
ومين حبيتى ومين حبك
ومين تتمنى يوم تلاقيه
ومين عايش في وجدانك
وتتمنى في يوم تنسيه
ومش قادرة
ومين مشاعره كات صادقة
ومين مشاعره كات غادرة
وواحد كل يوم تشوفيه
كأنه خيال
وواحد رغم إلحاحه
عمره مايوم خطر ع البال

جربت أعيش
إحساس الوحده والحيره
وسهر الليل مع الغيره
وتكشيره
لان الدنيا بتعانده
ومحدث من البشر ساند
شعورك لما تفتكرى
فى لحظة فارس الاحلام
ونظرة عينه وسكوته
وأحلى كلام
وإيد تضم وتطبب
مشاعر صادقه بتقرب
وقلب برئ لأول مرة بيجرب
شعور الحب
ونار الشوق
حاجة بتاخذ الإنسان
من الدنيا
تشده لفق
كأنه فى السما طائر
ونفسه الوقت يستنى
ويفضل عمره يتمنى
بأن اللحظة ما تعديش
وخايف إنه يستنى
نفس اللحظة من تانى
لكن ما تجيش

وإحساسك بأن العمر بعيدى

وخوفك من ظهور تجاعيد

١٦٢

وحالة حزن وخداكى

لحزن جديد

ورغم الوصف مقدرتش

أعبر ع اللى جواكى

ومين يقدر فى يوم يوصف

شعور البننت

أنا آسف لأنى إتجرات

وعذرى إن أنا استاذنت

oboiikan.com

دمعة ألم

في عنيتها دمعة أم
قلب إنكسر وإتظلم
ونفسها تشكى
وحد يسمعها
حد يقدر ألمها
ويحس أوجاعها
لكنها خايفه
والخوف ألم تانى
عايشه في أحزانها
مكسورة بتعانى
بتحس بهمومها
ومش قادرة تتكلم
والبنت أحزانها
في القلب بتعلم
عايشه حياتها في صمت
والصمت قوه وضعف
كأتمه بصوتها الجرح
والجرح عمره ما خف

oboiikan.com

محتاج

(١)

أنا محتاج إني مفكرش
في عالم رافض للتفكير
أنا محتاج إن أنا أتعلم
إزاي أخضع للتأثير
أو يمكن محتاج تغيير
علشان أقدر أجاري الناس
تقريباً محتاج إجراء
عملية لنزع الإحساس

(٢)

أنا محتاج إن أنا محلمش
أصل الأحلام ما بتكلمش
أحلم إن أنا في السما طاير
مليون نجمه عامله دواير
حواليا وكأني طاووس
فرحان إني سبت الأرض
فجاه لقيتني كده بتشد
والحلم إتحول لكابوس

(٣)

أنا محتاج إني أقعد ساكت
مش لازم أكون إنسان مقنع
الصمت بيحفظ وينجى
والحق بيتعب وبيوجع
اسكت صمتى يقولى إتكلم
أتكلم! طيب مين يسمع؟
الصمت فى زمانا فضيله
والعاقل للحق بيرجع

(٤)

أنا محتاج أهرب من نفسى
وأتجرا وأعدى السور
كم سنه من أحلامى قضتها
وأنا بزراع فى الأرض البور
بندادى أيامنا وتتحايل
ع الدنيا وعایشين بالدور
لا الثور إتمرد ع الساقیه
والساقیه مش طايقه الثور

مستغربين

هو احنا ليه مستغربين
إننا متخلفين
ليه شكلنا بقى كده
وليه بناكل بعضنا
وفرحانين
وليه حياتنا ملخبطه
عائشين حياتنا ف مرمطه
ومتفرقين
الأخت ممكن تتقتل
وبدم بارد
ومجتمع للعلم طارد
وأحلى صحبه
مع المزاج متجمعين
طاب ليه بقه متحيرين
ماهى دى العلامه
وأدينا أهه مستنيين
يوم القيامه
وناس كتير
للفضيله مدعين
وهما أبعد ما يكون

يا مسلمين
لما يبقى واحد عبيط
مالك قناه
ومصدقين
يبقى احنا ايه جوا الحياه
غير مسطولين
لما نعيش ٣٠ سنه
من عمرنا
كده مسروقين
نرجع نقول متأسفين
يبقى احنا ايه
غير مسطولين
ومغيبين
وناس فاقداه الموهبه
وبعد فشل التجربه
بيقولوا لسه مكملين
وأهو ناس تموت
وعلو صوت
وفى الحقيقه
هاربانين
واحد ينادى بالفضيله
ونصده
ونمسكه مع الشيطان متلبسين
يبقى احنا ليه مستغرين
اننا متخلفين

أنا آسف

أنا آسف إني مقدرتش
أكون ليكي اللى تتمنيه
وإني كنت مش فاهم
إن الحب تضحيه
وأمنيه وقلب رقيق
وقت الحزن تستنيه
أنا آسف إني مقدرتش
أرسم بسمه فى شفايفك
وأعيش الحزن جواكى
بقيت شايفك ومش شايفك
لكن عمرى ما بنساكى
آسف لأنى
كنت أنانى فى هوايا
ورغم الحب
زاد العند جوايا
ورغم غضبى
والكلام بيكون بحده
كنت دايمًا يا حبيبتي مستعده
إنك تسامحى
كنت واحده بألف واحده

نظرة واحده في عنيكي
كانت بتمحي
كل خوفي
وضحكه بتغير ملامحي
بس والله بحبك
ومستحيل أعيش بدونك
ورغم كل اللي حصل
قلبي مش ممكن يخونك

بعيد جدا

أنا حاسس إني بعيد جدا
عن شئ جوايا وبتمناه
عن شئ من غيره بعيش ميت
ومعاه الموت يقلب بحياة
إني أصلى الفجر جماعة
وأقضى حياتي في ذكر وطاعة
وأدعى ربي يرضى عليا
وأترجاه
إني أكون دائما في رحابه
وإني أفضل واقف على بابيه
والقلب يحس إنه في جنة
وما حسش يوم إن أنا مخنوق
وأشوف الدنيا في عنيه
على حقيقتها وأفهم وأفوق
وأعرف إن الشئ الفاني
مفيهوش متعه
ومخافش على شئ في إديه
لو راح أو جه
يا رب تكون أجمل متعه
في حياتي مع القران

واجعل ذكرك جوا في قلبي
أنا بس بذكرك انسان

obeyikan.com

إحساس برئ

أنا واحد كان فاكراً إنه
ممكناً يتعشم ويلاقى
كان فاكراً الدنيا بخير
والإحساس بالناس تلقائياً
فجأه عاش إحساس الغابه
بقي وسط تعالّب وديابه
والصورة اللى رسمها امسحت
والفرحه اتقلبت لكآبه
مع تجربته والتانيه إتعلم
لازم يسكت مهما إتأم
ويدارى ويصبر على جرحه
مهما الجرح إشتد وعلم
علشان يحفظ بعض الشئ
إحساس كان عايشه برئ
بقي يقعد ويا الاطفال
بقي عايش نفس الإحساس
أو يسرح مع زهره بريئه
علشان يقدر ينسى الناس

كنت عارف

صدقيني كنت عارف
إنك إنت مش عشاني
وإن رغم حبي ليكي
راح تكوني لحد تاني
وإني من بعدك هتوه
وأكتب وأفضل أعاني
حبتيني ولا لا

مش مهم
أخذتي فرحة
وسبتي جوا مني هم
مش مهم

المهم حبي ليكي
إلى هيفضل أحلى ذكرى
واللى هيعيش أحلى فكره
من غير ندم

عيشي أيامك في فرحه
وسيبى جوايا الالم

وإكتبي أعظم ميثاق
تسعدى بيه إلى فاز

ومش مهم إلى انظلم

كلمة

كلمه واحده
ممکن تقرب عاشقين
وتختصر من الهوى
مسافات سنين
كلمه واحده
تختصر كل الكلام
كلمه تخلى كل الدنيا
شخص واحد
كلمه معناها سلام
كلمه تمحى في لحظة
حزنك والألم
كلمه تحقق حلم قلبك
لو حلم
كلمه بتعيشها بروحك
وبجوارحك
كلمه تسمعها بقلبك
كلمة بحبك

oboiikan.com

ليه بنحلم

ليه بنحلم وبنصدق
وأحلامنا ما تتحققش
وليه بنعيش على الذكرى
نخاف يبجي علينا بكره
وايه نعمل
عشان ما نخافش
وليه كلمه تودينا
ونستحلى خداع النفس
وكلمه تجيبنا مكسورين
نعيش بعديها حيرة وياس
عاشين حياتنا نتمرجح
ونتقلب في دوامه
نعلق نفسنا بحاجات
تخسرنا حاجات يامه
أحاسيس كدابه بنعيشها
وبنصدقها ونكمل
مشاعر غاليه نديها
وناس علشانها نتحمل
وفي الاخر كده نشوفهم

مع غيرنا ونتأمل
عاشين أيماننا بنعافر
وبنعاند كده في ذاتنا
وفي الاخر
قدرنا نتوه في مشوارنا
ونتخير في سكتنا
نداوى جرحنا بالصمت
ونتصاحب مع سكتنا

هو وهى جوا متاهة ..

قلة خبرة من الطرفين
قلبت بغباء متبادل
طيب فين بيودى لفين
هو يجادل وتجادل
هو يقول خليكى رقيقة
هى تقول خليك عادل
محتاجة منك حنية
نفسى تمسك مرة إديه
وتقولى بحبك يا حياتى
نفسى تسامح مره وتغفر
ويكون غضبك شئ متفسر
وبلاش تجرح قلبى يوماتى
رابطه دماغك قال تعبانة
فى دخولى وخروجى غيرانة
وكأنى فى سجن ملوش مفاتيح
نفسى فى مره أخرج وأسهر
نفسى لون شعرك يتغير
نفسى أخرج ويا صحابى
لو حتى هاخذ تصريح
بعد شويه سامحنى خلاص

هو كمان قال سامحيني
لو تعرفي إيه جوايا
كنتي ف قلبك تشيليني
آه لو تعرف إحساسي
هدوب جوايا وتتحول
إلى واحد عاشق ومتميم
وتحبنى أكثر م لأول
واهو دور مرسوم وبيتكرر
لا بيتدل ولا يتغير
هو وهى جوا متاهة
رغم نكدهم لكن برده
لا بتقدر يوم تبعد عنه
ولا هو قادر ينساها

صوره غريبة للحياة

إرمى إحساسك
ورا ضهرك وعيش
وانسى ماضيك والى فات
واقفل دولاب الذكريات
أصل الحكايه ما تتحكيش
إديت كتير وبكيت كتير
والنتيجة فى إديك مفيش
مستغرباك وتقول عبيط
ألف حكايه من خياله
رسم خيال ما بينتهيئش
يشبه خيوط العنكبوت
وف لحظه جواه إتحبس
ومفيش نفس
أصبح خيال
صوره وصوت
كده برأت
وف لحظه واحده نفسها
صورة غريبة للحياة
والأصل موت

إوعى يغرك لون عنيتها وشعرها
إوعاك يغرك ملامحها الرقيقة
فيه ناس تشوفها تقول بريئة
والغدر أصل ف طبعها

محتاج أحسك

محتاج أحسك
جزء منى ما ينفصلش
محتاج أحسك
جوا منى
ما أنت لو يوم غبت عنى
ما يتحسبش
محتاج أحس إنك مراية
أشوف جواها أحلامى
محتاج أحس إنك حكاية
تصور فرح أيامى
تصور صمتى وكلامى
محتاج أحس إنك ضميرى ♦
وتفسيرى
لكلمة حب
محتاج إليكى
أحس الناس باحساسك
وأشوف الدنيا بعينيكى
وأطير وياكى بره الكون
وننسى الدنيا وهمومها
كثير من عمرى قضيته

بعيد عنك كما المسجون

وبعد سنين

من الحيره وشوق وحنين

لقيتك حلم مش موجود

مجرد صوره فى خيالنا

تفكرنا إننا عايشين

إوعى تجرح

إوعى تجرح قلب حد
كل ذنبه حبه ليك
إوعى تأسى وتنسى وعد
حد شاف نفسه ف عنيك
حد كل حياته بيك
حد من بين البشر
عايزك عشانه بدون شريك
ومشترك
بنبض قلبه وبحياته
حد بحروف إسمك بيهمس
وحاله بيترجم سكاتة
حد شاف فيك اللي جى
والعوض عن عمر فاته
إنت فرحة عمره كله
وإنت سر دموع عينيه
والأنين اللي ف آهاته

بحلم وياكى

بحلم وياكى أكون إنسان
أشعر وأحب وأتالم
أغضب أسكت لكن ممكن
تفهمنى صمتى بدون ماتكلم
أرمى همومى فى حضنك وأبكى
أصرخ أشكى
وأنسى هموم الدنيا وأسلم
أنا شايفك نجم بعيد ساطع
طاير فى السما وأنا مش طايلة
هو يسبنى وأرجع أحايله
علشان بس أهرب م الواقع
إنت شئ ممكن و لكن
بينى وبينك ألف مانع

نقطة ضعفى

نقطة ضعفى والعذاب
من زمن كان حد غاب
وحشاني جدا طلته
وضحكته الحلوه الرقيقة
كانت علاج الإكتئاب
ساب جوا قلبى حنين
وشوق
وحلم أقرب للسراب
بين إنتظارى ليوم رجوعه
وقلب مخنوق بين ضلوعه
حنين شوق ورا كل باب
وقلب داب
بين دموعه والألم
وبين أمل ممكن يكون
محتار ما بين وهم وطنون
أو مستحيل فى آخره هم
وحد عاش عمره حزين
بين إكتابه والندم
وحد غاب من غير رجوع
وحد فى الدنيا إنتظلم

oboeikan.com

بدعیک یارب

بدعیک یارب تکفینی
هوی نفسی وأوهامها
وحبها لحاجات
ممکن یضیع حاجات
جمیله قدامها
وإکفینی شر سراب
بیاخذنی للمجهول
وإنی أتعلق وأفکر
فی شئ مهوش معقول
وإنی أشوف نفسی
فی مرايه بتکبر
واکفینی شر الغیب
لو کان لی متقدر
یا رب إحمینی
من شر تفکیری
ومشاعری لوکانت
تتذی شعور غیری
یا رب إحمینی
من نفسی وقت الغضب

ومن شعور بالخوف
وقلب داب واكتأب
وغربه وسط الناس
ووحده في الزحمة
ومن غياب الضمير
والعدل والرحمة

مع كل يوم

مع كل يوم بسمع خبر
عن حد مات
أقفل ببيان الأمل
وأفتح دولاب الذكريات
ويعدى يوم وبعد يوم
أنسى حزنى واللى فات
والدنيا تانى تشدنى
وأعيش حياقى أمنيات
وياخدنى طول الأمل
لحد ما أسمع خبر
عن حد مات

ساعات

ساعات اليأس بيريح
والأمل يوجع ساعات
إيه قيمة إنك نتتظر
والماضى جوا قطر فات
ليه تبص دايمًا للى راح
وتعيش حياتك ذكريات
مخنوق ونفسك مش لاقية
واللى غايب بتناديه
مسجون فى حزنك والسكات
أصعب ما فى الدنيا إنتظار
إنك تكلم حد مات

يا دنيا

يا دنيا بتشدنا
لحاجات مهش لينا
ننسى عشانها حاجات
ماسكنها بإدينا
نطمع ونغدر وننسى
إحنا اتخلقنا ليه
مع إن لقمة عيش
مممكن تكفيننا

يا دنيا بتشدنا
وتاخذنا للمجهول
نسرح ياخذنا الوهم
لشئ مهوش معقول
وكل ما نقرب
نلقى الطريق بيطول
ونلف في الساقيه
نسيب حياه باقيه
نمسك في شئ بيزول

oboeikan.com

من حقل

من حقل حد
تحكيله وتشكى وتتألم
من حقل تصرخ تتكلم
قدامه ويسمع أوجاعك
من حقل حد يكون صوتك
حد يحسك جوا سكوتك
أبسط حقل قلب يساعك
قلب تعيش جواه مستسلم
هو يسلم لك وتسلم
إحساسك وتفك قيود
مخنوق جواها ومش قادر
نفسك تشعر إنك عايش
وإنك جوا الكون موجود
إحساس الحب دا من حقل
والشوق والغيره دا شئ جواك
من حقل حد يكون إنت
تستنى رجوعه ويستناك
الطبع غالب

لما يبقى الطبع غالب
والتغيير شئ مستحيل
لما يبقى مفيش بديل
يبقى ترضى باللى جالك
واعتر انه ابتلاء
رهما خفف ذنوبك
او فتح باب الرجاء
لكن مش
أنا عايش لكن مش عايش
بتنفس لكن مخنوق
معظم أوقاتى فى غيبوبة
بتمنى لو مره أفوق
أيام بتودى وبتجيب
وقلوب بتسلم وتسيب
وحاجات بتسلم لحاجات
تمسك فى الشئ تلقاه يغيب
♦ وقلوب تتقلب فى ثوانى
تبقى معاك وف لحظة تبيع
ومشاعر عاشت موجوعه
وحاجات حلوه كتير بتضيع
ترسم أوهام وتصدقها
وتبعيش جواها بدون تفكير
وقت ماتعرف معنى وجودك
نفسك بس تفك قيودك
تلقاك جوا الدايره أسير

وتعيش مخنوق
وهم رسمته وأصبح واقع
جوا الواقع عشت سجين
تصرخ تشكى
تحلم تحكى
لكل الناس
لكن كل الناس تايهين
جوا مرايتك شايف واحد
ضايح وسط كثير ضايحين
أخرص بينادى على أصم
وأعمى بيوجه مجنون
والكل بيجرى ومش عارف
جى منين ولفين هيكون

oboiikan.com

أحلى إحساس

أحلى إحساس ف الحياة
لما فجأه يدق بابك
حب غالى عليك قوى
بس كان سافر وسابك
وإكتئابك
الى عشت فيه سنين
بعد بعده والحنين
واللى ضاع جواه شبابك
فجأه يتحول سعادته
تلقى شئ جواك بيحضن
كل شئ
فجأه قلبك ينتفض
ويا إحساسه البرئ
تبتدى ترسم طريق
ما فيهبوش ألم
بعديها قلبك يفتكر
قلب كان ليه الحياه
سابه إتظلم
ترجع معاك الذكريات

لبعيد قوى
يحضنها دمعك والندم
على أحلى أيام عشتها
وحاجات جميله
تتمنى تانى تحسها
تتمنى إن الشمس تفضل
قدام عنيك
وتبقى بس فى ضلها

تخیل

تخیل لما حد
يعيش مخلص لحد
ويعيش علشانه بس
يستنى بيه يحس
ويسيب علشانه حد
وجوا قلبه صانه
وحط حدود عشانه
ممنوعه على أى حد
بس الغريبه إنه
بعد الحب خان
وفى النهايه كان
زى أى حد

خليكى جنبى

رغم كل اللى جرى
وحاجات مهش متفسرة
خليكى جنبى ما تبعديش
شايفانى واحد مختلف
أيوه غلط وبعترف
ونفس أرجع تانى أعيش
جوا قلبك وأستخبي
وأنسى جوا الماضى كدبة
وإنت إنسى ماتساليش
قلبى عايش بس ليكى
مقدرش أشوف دمعة عنىكى
أبكى أنا ومدمعيش

إِسْتِغْنَى

إِعْمَلْ عَكْسَ الشَّيْءِ تَلْقَاهُ
وَإِهْمَلْ حَدَّ بَتَّمْنَاهُ
سَيِّبْ هَتَلَاقَى الْإِلَى بَتَّمْنَى
وَإِسْتِغْنَى
عَنْ الدُّنْيَا تَلَاقَى
جِوَا الدُّنْيَا أَحْلَى حَيَاهُ
وَإِسْأَلْ رَبِّكَ وَإِتْرَجَاهُ
إِنْ الدُّنْيَا تَكُونُ فِي إِدِيكَ
وَالْقَلْبُ يَكُونُ خَالِصٌ لِلَّهِ

زى كل البنات

اللبس لبس عادى
زى كل البنات
والمشيه فيها رقه
تشدك من سكات
ف عنيه حارت معانى
وحدودها غمازات
تسرح ف جمالها تلقى
للحسن كثير آيات

بتوحشيني

بتوحشيني رغم نك
جوا منى ما بتغييش
بنسى كل الدنيا و إنت
ذكرى حلوه ماتتنسش
أحلى شئ فى الدنيا حب
حتى بعد الموت يعيش

لقمة عيش

لقمة عيش وشوية ملح
كوباية شاي في العصريه
وكرامه لواحد غلبان
واحد نفسه يعيش مستور
ينام على خيش يلبس كستور
مش مهتم
مش محتاج غير بس امان
محتاج بس يكون انسان

مجرد إسم

أنا واحد لكن مقسوم
أنا حاصل ضربي في أيامي
مجموع مع خوفي ومع يأسى
مطروح من فرحى و أحلامى
صفر و موجود جوا معادله
أنا إسم من ضمن أسامى

إقنع نفسك

إقنع نفسك إنها
أجمل مخلوق بين البشر
وبانها هي الحياه
والدنيا من غيرها ف خطر
والشمس من غيرها تعيب
والليل هيبجى بدون قمر
بس لو شفت الحقيقه
هتلقى ديب ياما غدر
وهتلقى صورة مرعبه
وهتلقى إحساس انكسر
إعرف حبيبك بالبصيره
وإوعى يخدعك البصر

قنبلة

البنّت دى قنبله موقوتة
إوعى تقرب راح تتفجر
لو شفت اللون الأخضر باين
بعد ثوانى هتلقاه أحمر
لما بتضحك تلقى جناين
لما بتغضب دمك يهدر
لما تشوف الموج ف عنيها
فجأة تلاقى طوفان اتصور
الأحلام اللى بترسمها
وبتتمنى إنها تتقدر
نفسك تلقى أمان ف عنيها
كامل عمرك كله تدور

ولا حاجة

قضيت الليل وأنا بفكر
في حاجة بعدها حاجة
في كل دقيقه متوتر
وكل فكرة محتاجه
لجهد ولكن الأغرب
صحيت الصبح مستغرب
مينش فاكر ولا حاجة

لسه ماجتش

- ♦ الى بحبها لسه ماجتش
أو ربما يمكن ماتجيش
أو ربما أنا معرفهاش
يمكن هي ما تعرفنيش
يمكن عارفاني ومكسوفه
أنا خايف أدور ما لقيش

من كتر ما بحلم

من كتر ما بحلم وأتصور
مش فاضى أحقق أحلامى
الوقت بيسرقنى ويجرى
أمسكه يهرب من قدامى
أعمل جدول فيه طموحاتى
بالترتيب توثيق لكلامى
وقت الشغل ألقانى بكسل
قلت أواجه نفسى قالت لى
دى قدرات العالم النامى

أنا ليه

أنا ليه كده
مستغرب دايمًا لكن راضى
طاب ليه بغضب
بعد شويه أرجع هادى
طاب ليه بحلم بالمستقبل
وأمنى إني أعيش فى الماضى
انا دايمًا مشغول وبفكر
مع انى فى الواقع فاضى
أنا إنسان إحساسه غريب
لكن جواه إنسان عادى

مع كل عيد

مع كل عيد أنا بفتكر
إزاي فراقك ساب علامه
أخبي حزني جوا منى
وأرسم على وشى إبتسامه
وأقول يا مولاي إرحمه
واجعل له فى الاخرة سلامه

بتوحشيني

بتوحشيني رغم إنك
جوا منى ما بتغيبش
بنسى كل الدنيا وإنك
ذكرى حلوه ما تتنسيش
أحلى شئ فى الدنيا حب
حتى بعد الموت يعيش

ملك حياتى

ملك حياتى ملاك
هى اللى ملكانى
من غيرها ببقى وحيد
والقلب بيعانى
لحظة مشوف الفرح
فى عنيتها بنسانى
دى أحلى زهرة فى حياتى
وفكرة واخدانى
ساكنه فى روحى وقلبى
ومالكه وجدانى
بنتى الحبيبه العزيزه
يارب ما تعانى

لو فى يوم

لو ف يوم حسيتى إنك
محتاجه منى أى حاجه
أو ف يوم حسيتى إني
ممکن أبقى ليكى حاجه
بصى ف عيونى الحزينه
هتشفونى نفسك كل حاجه

رغم انك

رغم إنك فاكرة إني
مش معاكى قلب عاشق
وإني ممکن أنسى حبك
وأهجر الأشواق وأفارق
وأعتبر إحساسي بيكى
فى حياتى ظرف طارق
بس لو يوم شفتى قلبى
هتلقى حبك سهم راشق

٢٤٦

١٧٢

تفسير الشئ

تفسير الشئ بالشئ تقدير
والشئ قيمته تزيد بالتفسير
لكن بعض الاشياء ممكن
لو فسرتها تفقدها كثير

oboiikan.com